



*Præfatio.*

**Q**uod si quis univ-  
 sam Anatomicæ scientiæ  
 faciem paulo accuratius in-  
 tueretur, & qualem illa apud  
 Venerandam Antiquitatem  
 præ se tulerit, quali etiam nostro hoc ævo  
 sese conspiciendam præbeat, perpendit, ille  
 eandem totam ferè quantam mutatam es-  
 se facile deprehendet, adeò ut, si illis tem-  
 poribus dexter hic Medicinæ oculus in  
 multis cœcutivit, nostris hisce plus quàm  
 lynceus dici mereatur, & nos non nisi um-  
 bram (absit dicto invidia) ex antiquis ser-  
 vasse videamur. Nam

*Multa dies, variusq; labor mutabilis ævi  
 Rettulit in melius.*

Id quod *J. H. Paulli Anat. Bilf. An. c.*  
 etiam agnoscens: *Nostris, inquit, temporibus usq̄ adeò excrevit Curiosorum in re-  
 mandis Cadaveribus solertia, ut neq̄ ante  
 hac dissecandi ars tantopere exulta, neq̄  
 majori unquam in pretio fuerit.* Hinc  
 etiam factum est, ut superiori seculo à tot  
 perspicacissimis Naturæ Scrutatoribus  
 quotidie nova in lucem protraherentur.  
 Quorum omnium præclara & nomina  
 nova circa res Anatomicas Inventa recep-  
 sere longum nimis foret. Ut ex innume-  
 ris pauca quædam allegemus; omnes Ana-  
 tomicorum libri satis superque loquuntur  
 quid *Th. Willis & Raym. Viensiens* in per-  
 scrutanda cerebri & nervorum, *Rich. Lov-  
 vyer* in inquirenda cordis, *Nic. Steno* in in-  
 daganda musculorum, & qui primo loco  
 nominandus erat, *Marc. Malpighius* in ex-  
 ploranda viscerum structura præstiterint.  
 Quod etiam *Th. Bartholinus & Ol. Ru-  
 beck* vasa lymphatica, *Ant. Nuck* ductus  
 oculorum aquosos, *J. Georg. Wirfungus* re-  
 vulum pancreaticum, *Th. Warthonus* verus  
 & Casp

& Casp. Bartholinus fontes salivales nobis aperuerint. Ut taceam Guil. Harvæum, Regis Angliæ Archiatrum, qui ob demonstratam sanguinis circulationem perpetuos in Medicina triumphos aget. Inprimis verò in detegenda via Microcosmi lactea non pauci multum desudarunt, nec infelici cum successu, uti ex sequentibus patebit. Quæ omnia *Joh. Munnicks Præf. Libri, quem de re Anatomica scripsit*, sollicitè congessit. Tantum autem abest, ut hi Naturæ Mystæ posteris novi aliquid inveniendi gloriam hoc ipso ademerint, quin potius viam straverint ad plura alia investiganda. Nam, ut cum Seneca loquar, *multum adhuc operis restat, multumq; restabit, nec ulli nato post mille secula præcludetur occasio aliquid adhuc adjiciendi.* Cum itaque Naturæ thesauri exhauriri nequeant, omni utique laude digni sunt illi, qui Recentiorum vestigia prementes plus ultra progredi student, & pigri ingenii esse autumant, contentum esse his, quæ ab aliis inventa sunt, cujus nos ne minimum qui-

dem vanâ gloriâ ducti nobis arrogare vo-  
lumus aut possumus. Sed, quia provida  
Illustrium Universitatis Procerum cura  
Theatrum nostrum Anatomicum non de-  
monstrandis modò Recentiorum Inventis  
sed & iis magis magisque excolendis &  
perficiendis quam aptissimum est, id unice  
agimus, ut qualecunque ejus rei specimen  
præsenti dissertatione exhibeamus. Cui  
occasionem dedit Nobilissimus & Perexi-  
mius DN. JEREMIAS ADAMUS  
LEITERSPERGER, qui experimentis  
hanc in rem factis sedulus spectator inter-  
fuit, probe cognoscens, Autopsiam utram-  
que in Anatomia paginam absolvere, sine  
quâ ratio, veluti navis sine rectore, fluctuat.  
Quem cum non modo Gentis suæ splen-  
dor, sed & egregiæ animi dotes nobilitent,  
facile auguror, Eundem, qualia plus una  
jam vice documenta dedit, ita nunc quo-  
que luculentissimum eximiorum profes-  
suum specimen editurum esse. Faxit  
Deus, ut Tu, Nobilissime Dn. Respondens,  
Majorum, quorum non paucos Apollineâ  
arte

arte clarissimos numeras, vestigiis insistens, ad tantum scientiæ Medicæ fastigium enitaris, quo illam, quam Respublica, præsertim Medica Istorum morte fecit, jacturam ex voto resarcias. Præprimis verò **MAGNIFICO DOMINO PARENTI**, Patrono nostro Magno, de egregio Filiorum pari, qui certamini Academico certatim sese accingunt, animitus gratulamur.

CAPUT I.

*De Vasis Lacteis in genere*

&

*Ductu Thoracico in Animalibus  
Brutis.*

§. I.

**A**Ntequam ad accuratiorem encheiriseos nostræ deductionem descendamus, nonnulla de Vasis Lacteis in genere prælibabimus. Et quod ad illa mensentarii attinet, Erasistratum jam olim in hoedis nuper lactentibus eadem vidisse quidem, sed non agnovisse, nonnulla, obscura licet, apud Galenum vestigiaprehendimus, quippe qui *l. 7. Admin. Anat.*  
6, ult.